



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 43. Pax cum Pontifice confecta.

---

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII. „& commodum consultius utere, nec-  
 A. C. 1708. „non strenuos istius Regni Antistites  
 „Sacrificium justitiæ pro Officii sui de-  
 „bito sacrificare paratos, quibus sane  
 „in tuendis fortiter ejusdem Ecclesiæ  
 „juribus præire debueras, imitari sal-  
 „tem, & sequi non erubescas.”

## §. XLIII.

*Pax cum Pontifice confecta.*

*Kettel De-*  
*cad. V.*  
*pag 528.*  
*Guarnac.*  
*b. c.*

Cum turbida admodum tempestas Ro-  
 manæ urbi jamjam imminere vi-  
 deretur, admodum propinquæ seren-  
 tatis spes affulserat; Darmstadio enim  
 cum peditatu, & Equitum turmis ad  
 Gargilianum flumen sese ostentante,  
 Marchio Prius plena agendi facultate  
 a Cæsare instructus Orator Romanus ve-  
 nit, ac die decima Novembris a sum-  
 mo Pontifice perbenigne admissus, fre-  
 quens cum eodem colloquium de dir-  
 mendis tandem controversiis habuit,  
 pacemque obtineri posse spondit his  
 conditionibus, ut Pontifex exauctorato  
 milite Cæsareos ad hyberna in Ponti-  
 ficiis admittat Provinciis, Carolum III.  
 Hispaniæ Regem agnoscat, eique feo-  
 dum Neapolitanum conferat, Cæsareis  
 liberum transitum concedat, & Muti-  
 nensi Duci Ferrariæ Ducatum restituat.  
 Cum autem Pontifici hæc conditiones  
 nimis

nimis duræ viderentur, & Ferrariam Sæc. XVII.  
 amittere nollet, pax sperata evanuit, A. C. 1708.  
 Cæsareoque exercitu propius Romam  
 recta tendente, & Pricio quintam de-  
 cimam Januarii diem supremum transi-  
 gendi terminum figente, non modo  
 Pontifex, sed omnes Italiæ Principes  
 fero nimis fortunam & Cæsaris poten-  
 tiam metuentes, trepidare cæperunt;  
 præprimis Papa Viennam ablegabat Ar-  
 chiepiscopum Nazarenum, ut Cæsari  
 rerum veritatem exponeret, ab eodem-  
 que gravissimarum calamitatum ditio-  
 nis Ecclesiasticæ populis illatarum ces-  
 sationem expeteret: datis postea literis  
 Cæsarem, ejus conjugem, & Im-  
 peratricem Viduam die decima secunda  
 Decembris rogabat, ut Cæsar hunc  
 Legatum benigne audire, ejusque ver-  
 bis plenam fidem habere velit. Diu  
 multumque agitatae fuerant propositæ  
 conditiones, & quantumcunque Pon-  
 tifex ad pacem inclinare videretur,  
 adhuc tamen hærebat ob importunas  
 suggestiones Tremolii Cardinalis, &  
 Theisei Marecalli a Gallorum Rege  
 Romam ablegati, qui vires Gallicas &  
 fædus ad bellum prosequendum cum  
 ceteris Italiæ Principibus spondebant.  
 Prævaluit tamen majoris mali metus,  
 quo adactus Pontifex die decima quinta  
 Januarii abjecta omni armorum & de-  
 fensio-

Sæc. XVII. fensionis spe obnitentibus etiam Gallis,  
A. C. 1708. in has potissimum convenit conditio-  
 nes. I. Josephus Imperator, & Ca-  
 rolus III. decreta ab ipsis Mediolani &  
 Neapoli evulgata adversus Romani Pon-  
 tificis auctoritatem & Immunitatem  
 Ecclesiasticam revocarent, Cæsarei vero  
 milites quantocius ex Ecclesiastica di-  
 tione abirent. II. Papa suos milites  
 recens conscriptos, unacum exteris  
 Ductoribus, & Gallis & Hispanis ejus  
 stipendia merentibus dimitteret, &  
 non nisi quinque armatorum millia ha-  
 beret. III. Libera esset Padi naviga-  
 tio. IV. Recens fructa munimenta  
 diruerentur, & captivi necnon belli  
 tormenta utrinque redderentur. V. Mu-  
 tinensis Ducis & Comacini controversia  
 in Imperiali Aulico Senatu dirimeretur,  
 interea vero Urbs a Cæsareo præ-  
 sidio, libero tamen terra marique com-  
 meatu, teneretur. VI. Sex Cæsares  
 legionibus Pontificia in ditone hyper-  
 na, & cibaria a Pontifice administrentur.  
 VII. Denique Papa Carolum  
 Archiducem recognosceret in Hispanie  
 Regem: Id Pontificem duntaxat præ-  
 stitisse censet Guarnacius, ad normam  
 Constitutionis Clementis V. cavens:  
*Si quem summus Pontifex sub titulo cujus-  
 libet dignitatis nominet, honoret, seu tra-  
 det, per hoc in dignitate illa ipsum appro-  
 bari*

*bare non intelligatur.* An per ejusmodi Sæc. XVII.  
 subtilitates publici pacti gravitas, & A. C. 1708.  
 summi Pontificis honor, integritas &  
 decor salvetur, aliorum judicio relin-  
 quimus: Utut sit, id negari haud pot-  
 est, quod Clemens sua pertinacia, qua  
 potius belli calamitates sustinere, quam  
 Carolo hunc honorem tribuere maluit,  
 mirum sane ingenium ostenderit, dum  
 una ex parte duos Reges de Hispanica  
 successione contendentes ad amicam  
 transactionem inclinandi studium sin-  
 gulare prætulera, ex altera vero parte  
 unum ex illis duntaxat ut legitimum  
 agnovit, eique nimis addictus, alteri  
 minus æquus existit, Patrisque offi-  
 cium relinquens, a cordatorum Ponti-  
 ficum, quibus nulli præ altero favere  
 immota erat Regula, exemplo recessit.  
 Ceterum firmatis utrinque hisce  
 conditionibus tandem hæc dissidia neu-  
 tri parti proficua, & Carolo Regi,  
 Hispaniæque rebus noxia, nec fæde-  
 ratis etiam Protestantibus probata, fuere  
 composita.

## §. XLIV.

*Hujus pacti successus.*

Fuere, qui Papam ob motum hoc bel- Guarn. vita  
 lum inconsiderantiæ, & propter & gest.  
 præfestinam pacem intempestivæ timi- Pontif.  
 ditatis